

蒼生司命

苗子也



三

蒼生司命 目錄

經論總抄

四言舉要

內景圖 并解

風寒感冒

藥性

諸證

卷一 元集

中風 一

中氣 二

胃風 三

瘟疫 蝦蟆大頭四

斑疹 五

內傷 飲食七情六慾

卷二 元集

中暑 七

燥症 八

濕症 九

火症 十

鬱症 十一

痰症 十二

卷三 亨集

咳嗽 十三

哮喘 短氣十四

瘧症 十五

霍亂 十六

泄瀉 十七

痢症 十八

卷四 亨集

嘔吐 十九

膈噎 二十

飢逆 二十一

吞酸 二十二

嘈雜 二十三

痞滿 二十四

腫脹 二十五

鼓症 二十六

卷五 利集

積聚 二十七

虛損 二十八

眩暈 二十九

頭痛 三十

胃脘心痛 三十一

腹痛 三十二

腰痛 三十三

脇痛 三十四

背痛 三十五

卷六 利集

諸氣 三十六

疝氣 三十七

脚氣 三十八

痛風 三十九

痿症 四十

麻木 四十一

目病 四十二

耳病 四十三

鼻病 四十四
附喉閉

口病 四十五

齒病 四十六

卷七 貞集

血症 四十七

溺血 四十八

便血 四十九

汗症 五十

瘧症 五十一

厥症 五十二

癰癩 五十三

健忘怔忡驚悸 五十四

三消 五十五

二濁 五十六

夢遺精滑 五十七
淋閉 五十八

秘結 五十九

卷八 貞集

黃疸 六十

痔漏 六十一

調經 六十二

崩漏 六十三

帶下 六十四

胎前 六十五

產後 六十六

五臟 六十七

六腑六十八

蒼生司命目錄終

蒼生司命

卷一

花溪老人虞

搏天民輯

錢塘徐開先振公校

靜觀居士程

林雲來閱

海昌陳彝則子奇訂

中風真中類中論

中風者體氣先虛必有風邪真中然後見有暴仆暴
喑口眼歪斜手足不舉言語蹇澁甚者人事不省等
証若無風邪必無此等証候又云無真中類中之分
斯言也尤見理未真之過也按中風者氣體先虛而

後風邪中之者理也。所謂邪之所湊其氣必虛是也。予嘗見有人心火暴盛痰涎壅塞無毫髮風邪雜於其中而前証悉見。隨用清熱養血化痰順氣之劑而愈者。卽東垣所謂木氣自病。河間所謂將息失宜。心火暴盛。丹溪所謂濕熱相生。此三者類乎中風而實非中風也。一用風藥禍不旋踵。安得不指出此証使後學知之。此類中之說所由起也。但此証當另列一條而不雜於中風之條。如昔人謂四証似傷寒而不

列於傷寒之列則明白而易知矣。若老人謂無類中
皆真中。恐使後人臨証不明。反增人病。辨之奚容已
乎。其言標本緩急之論。輕重攻補之宜。則至善而不
可沒。大有功於後學也。

中風証

天地間惟風無所不入。人受之者。輕則爲感。重則爲
傷。又重則爲中。凡中風之証。卒然暈倒。昏不知人。或
痰涎壅盛。咽喉作聲。或口眼歪邪。手足癱瘓。或半身

不遂舌強不語風邪既虛氣必上壅痰隨氣上停留
壅塞昏亂卒倒皆痰爲之也五臟雖皆有風而犯肝
經爲多蓋肝主筋屬木風易入之肝受風則筋緩不
榮所以有歪邪不遂癱瘓舌強等症治之之法初得
之卽當開痰理氣經云善治風者順氣理風氣順則
痰消徐理其風及其久也卽當養血活血若不先順
氣遽用烏附又不活血徒用防風羌活天麻輩吾未
見其能治也中風有真中類中真中有中腑中臟中

經之不同。中腑者多着四肢。故面如土色。有表証。脉浮而惡風寒。四肢拘急不仁。現六經形証。或中身之前。或中身之後。或中身之側。皆中腑也。中臟者多滯。九竅故唇緩失音。鼻塞耳聾目瞽。大小便秘。皆中臟也。治法中腑者。加減小續命湯。發其表。調以通聖辛涼之劑。中臟者。三化湯通其滯。調以十全大補四物之劑。腑臟兼見者。藥必兼用。先表而後通之也。其或外無六經之形証。內無便溺之阻隔。但肢不能舉。口

不能言此邪中於經也。又當從乎中治。宜大秦苳湯。補血養筋。或二陳湯加清熱養血藥。中腑者易治。宜汗。亦不可過汗。損其衛氣。中臟者難治。宜下。亦不可過下。損其榮氣。中經者有汗下之戒。只宜養血通氣。類中亦有不同。河間主火。東垣主氣。丹溪主熱。與痰。僵仆卒倒。此氣虛也。治宜六君子湯。加竹瀝姜汁。痰涎壅盛。偏枯口禁。筋急拘攣。筋反縱。脉數。此火也。治法在表。宜防風通聖散。在上涼膈散。口眼歪斜。半身

不遂涎多不語此痰証也。治宜二陳導痰等湯。大抵
真中者少。類中者多。外感內傷。當辨輕重。重於外感
者。先驅風邪。而後補中氣。治以散風藥爲君。而以補
損藥爲臣。使重於內傷者。先補中氣。而後驅風邪。治
以滋補藥爲君。血以散邪藥爲臣。使其心火暴盛。痰
涎壅塞。無毫髮風邪。而喝斜不遂等証。悉其者。治宜
清熱化痰。養血順氣。一用風藥。禍不旋踵。半身不遂
大率多痰。中左屬瘀血。血虛宜四物湯。加桃仁紅花。

竹瀝、姜汁。中右屬痰與氣虛。宜二陳合四君子。加竹
瀝、姜汁。氣血兩虛而挾痰者。八物湯加南星、半夏、枳
實、竹瀝、姜汁。初中卒倒不省人事。急掐人中。提頭頂
髮口噤不能進藥。急以生半夏爲末吹入鼻中。或以
皂角細辛爲末吹入鼻中。有嚏者生。無嚏者肺絕死。
痰涎壅盛。口眼喎斜。舌強不語。皆當用吐法。一吐不
愈再吐。輕者用瓜蒂末一錢。重者用稀涎散加藜蘆
五分。入麝少許。以鷺翎探吐。惟年老虛弱者不可吐。

氣虛卒倒者不可吐。凡中經雖有痰涎，猶能進湯水者，先進藷合香丸通竅。隨進順氣散。凡小便不利者，不可利小便。熱退自利，諸中或已甦，或未甦，忽然吐，出紅紫血者，不治。

中風不治症

口開

心絕

手撒

脾絕

遺尿

腎絕

眼合

肝絕

吐沫直視

鼻如鼾睡

肺絕

肉脫

筋痛

髮直

搖頭

上竅

面赤如粧

汗綴如珠，皆不治症。

若謂症中止見一症者，猶或可治。

脉遲浮者吉。